

SAMNANGER KOMMUNE
Tyssevegen 217
5650 TYSSE

Att. Nina Fredriksen

Uttale til dispensasjon frå arealplan med tanke på avkøyrsl og dispensasjon frå byggegrense til fylkesveg - fv. 5130 - gnr 48 bnr 1 - Utskot - Samnanger kommune

Vi viser til oversending frå Samnanger kommune 04.06.2021 i forhold til dispensasjon frå kommunen sin arealplan, byggegrense til sjø, dispensasjon frå byggegrense og ny avkøyrsl til fylkesveg.

Det er føretatt synfaring på staden 15.06.2021 med Runar Sagstad Haugen frå Vestland fylke og grunneigar Jørgen Jørgensen.

Då endeleg plassering av avkøyrsl og einebustaden ikkje er bestemt eller skissert enda svarer vi her med ei forhandsuttale. Det må då søkast om endeleg løyve til avkøyrsl og dispensasjon frå byggegrense til fylkesveg når konkrete planer og skisser føreligg. Men vi gjev her ei uttale for kva vi som vegeigar kan innvilge i denne saken.

Den aktuelle vegen har ein ÅDT som er under 50 og er i haldningsklasse grøn som er den minst strenge klassen for å vurdere dispensasjonar og avkøyrslar. Grunna kurvaturen i vegen er det vanskeleg å halda meir en 30 km/t som vi tek utgangspunkt i er maksfarten.

Byggegrense


Bustaden må plasserast så langt unna fylkesvegen som det let seg gjere. Grunna tomten si plassering og bratte topografi ser vi at det ikkje let seg gjere å møte dei normale krava til byggegrense frå fylkesveg. Grunna svært låg mogleg fart og svært låg ÅDT i området kan vi fråvike dette. Det er heller ikkje planer om noko framtidige utbygging av veg eller gang- og sykkelveg i området.

Men bustaden må som eit minimum plasserast utanfor tryggleikssona på 6 meter frå vegkanten.

Plassering nærme fylkesveg kan medføre visse støyulemper. Fylkeskommunen som vegeigar vil ikkje bli erstatningsansvarleg for dette.

Avkøyrsl

Minstekrav til sikt i avkøyrse vil vere 4 x 20 meter (jf. Håndbok V121 Geometrisk utforming av veg- og gatekryss tabell 3.7 og 3.8), sjå figur under.



20 meter er då den direkte sikta i luftlinje fram til hinder på 0,5 meter. Grunna bratt sving vil lengda på sjølve vegen vere ein del høgare enn dette. Sikten til venstre mot kaien er god, frisiktområde her settast til 30 meter.

Det er også viktig at det er eigen parkeringsplass og snuplass på tomten. Dette for å unngå rygging, parkering eller anna manøvrering inne på fylkesvegen. Og det må ikkje vera sikthindringar i siktsona ved utkøyrsele frå tomten.

For å unngå at det kjem to avkøyrsele parallelt på kvarandre og for å unngå at avkøyrsele kjem ut i ein krapp sving må avkøyrsele flyttast så langt mot kaien som det let seg gjere.



Sikten til venstre mot kaien er god.
I svingen må utkøyrsele som eit minimum kome bak (i retning mot kaien) punktet målebandet på biletet viser.

Med helsing

Ann Kristin Nes
leiar

Runar Sagstad Haugen
rådgjevar

Brevet er elektronisk godkjent og har difor inga handskriven underskrift

Kopi til:

Jørgen M Jørgensen Utskotevegen 432